

UČEŠĆE NA X KONGRESU EVROPSKE ORGANIZACIJE REGIONALNIH REVIZIJSKIH INSTITUCIJA

Evropska organizacija regionalnih revizijskih institucija (EURORAI) i Revizorski sud Gornje Austrije organizovali su X EURORAI Kongres pod nazivom „Revizija institucija iz oblasti obrazovanja“. Kongres je održan u Lincu, Austrija, od 17. do 18. oktobra 2019. godine, na kojem je prisustvovalo više od 140 delegata iz 16 zemalja članica EURORAI-ja.



Ispred Ureda za reviziju institucija u FBiH prisustvovali su generalni revizor Dževad Nekić i Mia Buljubašić, viši revizor za međunarodnu saradnju i komunikacije.

Kongres je otvorila predsjednica Austrijskog revizorskog suda i generalna sekretarka INTOSAI-a Margit Kraker, a predavači na seminaru su bili predstavnici regionalnih revizijskih institucija iz Austrije, Španije, Njemačke, Rusije i Velsa. Prikazani su primjeri i iskustva iz prakse u ovim zemljama sa aspekta revizije institucija iz oblasti obrazovanja.

Drugi dan održana je Generalna skupština EURORAI-ja, na kojoj su usvojeni godišnji izvještaji za period 2016-2018, imenovani vanjski revizori za period 2020-2022, potvrđeni novi članovi EURORAI-ja, imenovan je novi predsjednik i novi članovi Upravnog odbora te je usvojen budžet za period 2020-2022. godine.

Ispred Ureda za reviziju održana je prezentacija pred Generalnom skupštinom o radu Ureda.

U svom službenom uvodnom obraćanju novi predsjednik EURORAI-ja Friedrich Pammer prezentirao je radni program EURORAI-ja za naredne tri godine, u okviru kojeg je Uredu za reviziju institucija u FBiH potvrđeno organizovanje EURORAI Kongresa u septembru 2020. godine, na temu „Vrijednosti i koristi regionalnih revizijskih institucija“. Veliko je priznanje Uredu za reviziju da bude domaćin Međunarodnog kongresa regionalnih revizijskih institucija javnog sektora.

